

COLOSAS 3:12-17

REVIEW...

- **COLOSAS 2:8-15 – MAGBANTAY SA KALIBUTANON NGA KAALAM...**
 - o Pilosopiya – mahigugmaon sa ihibalo – naga hunahuna nga ang sabat ara sa edukasyon...
 - o Paghangad sang manggad – magabilin sa aton nga hungkag kag indi ma kontento / mga tradisyon sang tawo - kag disparates
 - o Sa baylo nga mag sunod sa kaalam sang Diyos - kilalahon si Jesu-Cristo – sa iya lang kita may ka kontentohan!
- **COLOSAS 2:16-23 – MAGBANTAY SA PAGSALIG SA RELIHIYON...**
 - o Indi pag tuguti nga bisan sino maghusga sa imo nga pagpati – kon ano imo gina kaon/kon ano ka nga adlaw magsimba...
 - Sa mga maluya indi mag husga sa iban nga indi suno sa imo pagpati...
 - Sa mga mabakod indi sila pasandada nga may madamo sila nga pagsulundan/kag pagpati nga gina sunod
 - o Indi mag pa ulipon – sa wala unod nga tradisyon kag relihiyon!
 - Ang pagsulundan sang relihiyon daw mas diosnon – pag sikway sang kaugalingon...
 - Pero naga bag-o lang sang pang gwa – kag wala sang gahum sa pag bag-o sang tagiposoon!
- **COLOSAS 3:1-11 – ANG PAG APLIKAR SANG ATON PAGTUO...**
 - o Sanglit nga gin tagaan na kita sang bag-o nga kabuhi kay Jesu-Cristo – magkabuhi para sa Ginoo...
 - Indi pag tutuki ang mga butang sang sini nga kalibutan – tutuki ang butang nga iya sang Diyos...
 - Tungod nga napatay kita sini nga kalibutan – kag ang aton kabuhi gintago ni Jesus!
 - o Busa 'SIKWAYA' ang kamatayon / ang sala nga ara sa aton kabuhi...
 - Pagpakihilawas / bugal / pagkahamkunon – indi pag gamita ang imo lawas sa kalautan...
 - Kag tungod sini nga sala ang kaakig sang Diyos nagalab-ot sa sini nga kalibutan!

ISUKLOB SI JESU-CRISTO... (3 KA BUTANG)

- **1ST – ISUKLOB SI JESU-CRISTO... vs. 12**
 - o 1ST - pareho man sa pag sikway sang aton daan nga kinaugali – nga nagadala sang kaakig sang Diyos...
 - Gina paabot man kita sa pag suklob sang bag-o nga tinuga – isuklob naton si Jesu-Cristo...
 - **Roma 13:14** – “Sa baylo, ang pamatasan ni Ginoong Jesu-Cristo ang dapat makita sa inyo kabuhi. Kag indi ninyo paghatagan sing lugar ang inyo tawhanon nga kinaugali nga maghimo sang malain.”
 - Ang ideya nga nagapadulong kita sa pakig away – pakig away batok sa aton makasasala nga tawo...

- Pareho sang bisan sino nga maayo nga suldado kinanglanon nga mag preparar sang aton kaugalingon sa pakigaway...
- **Efeso 6:13** – “Gani gamita ninyo ang tanan nga armas nga ginhatag sang Dios, agod makabato kamo sa tion nga mag-abot ang kalautan; kag pagkatapos sini malig-on gihapon kamo.”
- **II Timoteo 2:4** - “Kag dapat pareho ka sa soldado nga sa serbisyo; wala siya nagaobra sang iban pa nga mga obra agod mapalipay niya ang iya opisyal...”
- Indi mag pasiod sa hilikuton sang sini nga kabuhi – mga sugyot sining kalibutan...
 - Indi mag pasiod sa binuang kag umalagi nga sala - nga naga bulag sa inyo nga makita si Jesus...
 - Ang paagi nga malandas ang aton sala – kon paano kita maglakat sa kapawa para makakita kita...
 - Kon isuklob naton si Jesus – maglakat sa Espiritu sang Diyos
 - Nian si Jesus bag-ohon niya ang aton handum agod nga indi naton gustuhon ang maghimo sang sala...
 - Sa Baylo gustohon naton ang butang nga makapahamu-ot sa Ginoo!
- o 2nd - Masuklob naton si Jesus tungod sang tatlo ka rason...
 - Tungod nga kita pinili sang Diyos – gin pili kita/ natalana na...
 - **Roma 8:29** – “Kay halin pa sang una, nahibaluan na sang Dios kon sin-o ang iya mangin mga anak. Kag ginplano na niya nga daan nga mangin kaangay sila sa iya Anak nga si Jesus...”
 - **Juan 15:16** – “Indi kamo ang nagpili sa akon kundi ako ang nagpili sa inyo. Ginpili ko kamo agod maglakat kag magpamunga sing mga bunga nga nagapadayon; agod ang bisan ano nga inyo pangayuon sa Amay sa akon ngalan ihatag niya sa inyo...”
 - Ang Diyos wala katapusan - buot silingon nga wala siya sang ginhalinan ukon katapusan- **Pahayag 1:8**
 - Ang Diyos, wala siya nagakaubosan sang tiempo- ang Diyos ara sa guha sang tiempo!
 - Ang Diyos naka kita sang tanan - halin **Genesis 1:1 asta Pahayag 22:21 tanan!**
 - Ang Diyos makita niya ang TANAN-TANAN - nakahibalo siya kon sin-o ang mapati sa iya /kag mag tuo kay Jesus...
 - Iya nga gin pili ang nahibaloan niya nga magpili man sa iya!
 - Ano abi kon indi mo gusto magpati kay Jesus..
 - Nian indi ikaw ang isa sa mga gin pili sang Diyos nga maluwas - nga makdto sa langit...
 - Basi gusto mo mag hambal - ‘pero gusto ko mag kadto sa langit’ - nian pilia nga mag tuo kay Jesus...
 - Kon himuon mo makita mo - Ang Diyos nag pili na sa imo!
 - Tungod nga kita balaan – kita ang mga santos...
 - Nagasala kita sa ideya nahanungod sa pagka santo’ (*ang buot silingon, balaan -ukon gin pa-in*)

- Gina pinsar naton nga ang tawo mangin santos tungod sang iya hinimuan - maayong buhat/miracolo...
- Sa pagkamatuod indi sa aton binuhatan - ang Diyos nag buhat sa aton nga kita mga santos...
- Kita ang mga santos - 'balaan' / gin pa-in - tungod sa gin himo ni Jesus didto sa krus para sa aton!
- Sa pagka santos naton dapat mangin lain kita sa kalibutan – ipakita si Jesu-Cristo sa imo kabuhi!
- Tungod sang Gugma sang Diyos...
 - Kay ginahigugma gid sang Dios ang mga tawo sa kalibutan, amo gani nga ginhatag niya ang iya bugtong nga Anak – **Juan 3:16**...
 - GUGMA - 'wala sang kondisyones' - wala sang kabilinggan bisan ano pa ang nahimo naton ang Diyos GAHIGUGMA sa aton...
 - Ginahigugma ka gid sang Diyos - nga gin patawad niya ang aton tanan nga sala - Ginhatag niya si Jesus!
 - Subong nga nahatagan kita sang gugma ni Jesus – makahigugma man kita sa iban!
- **2ND – ANG ATON RESPONSABILIDAD KAY JESUS... VS. 13-14 (7 KABUTANG)**
 - o 1st – dapat nga mangin malulo kag maloloy-on...
 - Ang Paghukom nabaton mo kay amo ang nagakadapat - ang Bugay nabaton mo bisan indi nagakadapat...
 - Ang Kalooy amo ang indi mo mabaton bisan nagakadapat – wala na gin tagaan sang pina nga nagaka-angay...
 - Takus nga makadto sa impierno tungod nga nakasala ako – pero ang Diyos wala niya ako gin hukman...
 - Gin kalooyan niya ako – wala niya gin hatag ang nagakaangay sa akon...
 - Ang Diyos wala nagalikaw sa kabudlayan sang iban - indi man kita dapat...
 - **Romans 12:15** - “Magkalipay kamo upod sa mga nagakalipay, kag magkasubo upod sa mga nagakasubo.”
 - Subong nga may kaawa kita sa iban - mangita kita oportunidad nga makabulig!
 - o 2nd – Dapat mangin malulo kag maayo...
 - Indi mag matigdas / budlay pakigbagayan / permi lang negatibo ang komentar...
 - Kahapos mag mulay sa iban – pero ang katigdas kag masakit nga tinaga naga tuna sang pag bahin bahin...
 - Sa pag suklob naton kay Jesus ma tanaw kita sang oportunidad nga maka palig-on – kag makapabakod sa isa kag isa!
 - **Hulubaton 15:1**- “Ang mahinay nga sabat makapaugdaw sang kaakig, pero ang matigdas nga sabat makapaibwal sang kaakig.”
 - o 3rd – Dapat mapainubuson...
 - Ang Bugal unahon niya anay ang iya kinahanglanon bag-o ang iban /mapainubuson unahon ang iban bag-o ang kaugalingon!
 - Kalabanan nga tawo kataas sang tanaw sa kaugalingon – gapaminsar nga importante sila...

- Sa pagkamatuod – pareho lang kita nga ara sa isa ka baruto – tanan kita makasasala – palareho lang kita tanan!
 - May isa ka tawo nag kadto isa ka beses nag pakilala grabi titulado...
 - Nagapaminsar man siya siguro nga mapakilala man ko pareho sa iya – ‘Pastor David Hinchey...’
 - Ang akon sabat sa iya – ‘Hi ngalan ko si David – makasasala!’
- o 4th – Dapat kita Mapailubon...
- Mapailubon - baliskad sang pagtimalos - naga kahulugan wala ga pangita sa kaugalingon sang hustisya...
 - Indi matawag nga kulang sa gahum – indi buot silingon nga indi naton mapangapinan aton kaugalingon...
 - Sa baylo ginpili nga indi na mag balos sa mga nag sakit sa aton...
 - Si Jesus mapailubon –indi tungod nga kulang iya gahum –pero wala siya nag pangita nga balos...
 - Ngaa - tungod ang Diyos nag kari para sa pag higugma sa iya kaaway -para mag pakamaayo sa mga naga kaakig sa Iya...
 - **Mateo 5:44-46** – “Pero ako nagasiling sa inyo nga higugmaa ninyo ang inyo mga kaaway. Bisan pa ang mga nagahingabot sa inyo pangamuyuan ninyo.”
 - Dapat mangin mapainulubon man kamo - kag maghigugma /indi mag balos sa mga nag sakit sa imo!
- o 5th – Dapat mag mapenasensyahan /mainantohon para sa isa kag isa (*pareho sang kolon nga indi gusto mag awas kon mag bukal*)...
- Ang kahulugan nga kon mag himo man kabulastugan ang iban - amumahon ta sila gihapon...
 - Indi tungod obligado ka - ina isa ka pag responde sa gugma ni Jesus nga gin hatag sa aton...
 - Kon pinsaron naton kapila ka beses kita gin akomodar sang Diyos sa aton nga sala nga pagpili...
 - Paano naton indi ma batas ang sala nga decision sang iban!
- o 6th –Mag patawad kamo sa isa kag isa...
- Hunahunaa kapila ka man ka beses gin patawad - paano nga indi ya kita mag patawad...
 - Si Jesus nagkadto sa krus para sa pag bayad sang aton sala - TANAN naton nga sala...
 - Gusto niya gid nga kita patawaron sa aton nahimo nga sala - himoon mo man dapat!
 - Paano nga indi ka mag patawad sa gamay nga sala nga nahimo sa aton
 - Kon kita mag patawad - nian ang Diyos magapatawad man sang aton mga sala-
Mateo 6:15
 - Kon gin sakit ka sang iban - kag nangindi ka mag patawad - naga tanum kita sang binhi sa aton tagiposoong...
 - Matubo ang paghinakit - lamunon ka sang kainit sang ginhimo nila sa imo!
 - Ang aton pag hinakit mahimo sa aton nga aslum kag mapait - kag sa ulihi madala sa kamatayon sa Espiritu...
 - Kon indi kita mag patawad sa aton tagiposoong - ang Diyos indi mamati sang aton pangamuyo - **Marcos 11:25**
 - Ang pagpatawad indi lang sa nag himo sang sala sa aton - para man sa aton...

- Nagahilway sa aton - wala naga pabilin sa kahapon - maka padayon kay Jesus!
- o 7th – Ang pina ka importante nga butang amo ang GUGMA... vs. 14
 - **Galacia 5:22** – “Pero ari ang bunga nga makita sa kabuhi sang tawo kon ang Espiritu Santo amo ang naga gahom sa iya: mahigugmaon siya...”
 - Nadiparahan mo nga wala nagahambal nga mga Bunga sang Espiritu - kundi ang bunga sang Espiritu...
 - ANG bunga amo ang gugma - nakabalo ka nga ginasuklob mo si Jesus kon naga lakat ka nga may Gugma...
 - Pinaka importante - ang Gugma nga para sa Diyos - **Deuteronomeo 6:5**
 - Pero halos pareho nga importante - ang gugma para sa iban - **Leviticus 19:18**
 - Tungod ang Diyos Gugma – **I Juan 4:7** – kag kon kita naga higugma pareho man kita sa gina himo sang aton Amay!
 - Ang gugma amo ang naga hugpong sa aton – naga tubo kita kay Jesus...
 - Ang pag binahin bahin sa simbahan indi epektibo para kay Jesus - naga pugong sa aton sa pag iwag...
 - Sa baylo nga makita ang gugma ni Jesus sa aton - ang kalibutan makita kita nga naga ilinaway...
 - Si Satanas namian sang pag binahinbahin sa simbahan - nian indi na kita maka pamatok sa iya
 - Kon masako kita/kapoy away sa aton kaugalingon - indi na kita makapaki- away para sa mga nadula!
- 3RD – **ANG RESULTA SANG BAGO NGA PANAPTON... vs. 15-17**
- o 1st – May ara kita nga pag hidaet kay Cristo... vs. 15
 - Ang Kabuhi huyog mag haboy sang kabudlayan /problema sa dalanon...
 - Huyog ta man mag uyang sang tiempo kabalaka parte sa aton problema...
 - Problema, ang sige palibog indi man makabulig – nag dugang pa gid sakit sang ulo mo
 - Makahimo nga mag masakit kita – sakit aton tiyan/ kag alta presyon...
 - **Proverbs 12:25** – “ Ang pagpalibog makakuha sang kalipay sang tawo; ang maayo nga mga pulong makalipay sa iya...”
 - Ang Diyos kabalo sang aton Kinahanglanon – indi dapat mag sige palibog...
 - **Luke 12:29-31** – “ Indi kamo magpalibog kon ano ang inyo kaunon kag imnon. **30** Amo ina ang ginapalibugan sang mga tawo nga wala nakakilala sa Dios. Pero nakahibalo ang inyo Amay sa langit nga kinahanglan ninyo ina nga mga butang.”
 - Ang palibog baliskad sang pagsalig – nagapalibog kita kay wala ta nagasalig sa Diyos!
 - Sa baylo nga ginapatay ta aton kaugalingon sa pag palibog – dalagan kay Jesus kag ikaw tagaan ka niya sang kalinong!
 - Nag salig kita sa Diyos sang aton Eternidad – nagasalig ka nga luwason kita niya sa impierno...
 - Apang ginabudlayan kita nga mag salig sa iya sang aton kaunon...
 - Kon gin luwas kita sa aton eternidad – sigurado nga ma himun-an niya kita subong!
 - Sa baylo nga mag palibog mag pasalamat kita sa iya...

- Sa masami kon mag atubang kita sang problema sa kabuhi - ang aton nga pag responde mag reklamo kag mag palibog...
 - Apang kon kita mag pangamuyo sa Diyos - makita naton nga ang kabugatan nga naga abot nagakadula...
 - Ang aton pananawon sa kabuhi naga lain - makita naton ang aton kahimtangan nga may kasanagan...
 - Indi na naton makita ang problema - sa baylo nga makita naton nga ang Diyos mas daku sa aton problema!
 - Ang aton problema lamunon sang pag pasalamat sa aton makatilingala nga Ginoo!
- o 2nd – May ara kita sang Pulong ni Cristo... vs. 16
- Kon isuklob naton si Jesus naga manggaranon kita /nagatubo sa pulong sang Diyos ...
 - May ara kita matuod nga kaalam – indi kalibutanon nga kaalam – kundi Diosnon nga kaalam...
 - Agod maka tudlo kita sa isa kag isa / kag mag hatag sang Diosnon nga laygay sa isa kag isa!
 - Agod nga maka amba sang mga kalantahon sa isa kag isa – makahatag sang pag pasalamat halin sa aton tagiposoon!
 - Amo ina kon ngaa nagahatag kita sang aton tion sa pag tudlo kag pag pamati /sang Pulong sang Diyos...
 - Agod nga mag manggaranon ka sa Pulong / sa kaalam / kag pag pasalamat sa Diyos!
- o 3rd – Dapat nga e representar naton si Cristo... vs. 17
- Bisan sa ano nimo nga gina obra – himo-a bilang tiglaws ka ni Jesu-Cristo...
 - Kita mga embahador ni Cristo - kita ang tiglawas sa mga nadula sa kalibutan...
 - Naga lakat kita nga gapakilooy sa kalibutan sa ngalan ni Jesus - para ang tawo manumbalik sa Diyos!
 - Naga larawan sang isa ka embahador - naga hambal kita para sa Dios sa kalibutan...
 - Pinadala sa pag bantala sang Maayong Balita - ang paglaum sang kaluwasan paagi kay Jesus!